



## Kaupae 1 Pūtaiao 2023

**92071 Te torotoro i ngā kōrero tuku iho e pā ana  
ki tētahi kaupapa taiao ā-iwi**

Whiwchinga: 5

Kairangi	Kaiaka	Paetae
Ka parahau i ngā kōrero tuku iho e pā ana ki tētahi kaupapa taiao ā-iwi.	Ka whakamārama i ngā kōrero tuku iho e pā ana ki tētahi kaupapa taiao ā-iwi.	Ka torotoro i ngā kōrero tuku iho e pā ana ki tētahi kaupapa taiao ā-iwi.

## TAUIRA TAUAROMAHI

An expected learner response is an example of an acceptable learner response for this standard. An annotated exemplar for this standard will be developed as NZQA receive ākonga evidence.

## Kia eke ki te Kairangi (K8)

Ka parahau i ngā kōrero tuku iho e pā ana ki te kūtai (mahinga kai):

- Ka whakamārama, ka whakatakoto taunakitanga e pā ana ki ngā mōhiotanga, ngā māramatanga me ngā hononga i waenga i:
  - » ngā kōrero tuku iho e pā ana ki te kūtai,
  - » ngā huarahi e hāpai ai te kūtai (mahinga kai) i te mana o te iwi.

### **Ngā kōrero pitopito:**

Ko te kūtai/kuku te kaupapa taiao ā-iwi. He kai tuku iho, he mahinga kai hoki.

Ka whakamahia te whānau o te ākonga i te kūtai hei whakarite toroi.

He tino kai te toroi ki te whānau o tēnei ākonga.

Ka tunua/whakaritea te kūtai me te pūhā hei toroi. He kiriata hei taunakitanga.

He tohutaka tōroi tō te whānau o te ākonga. He pārongo pāiroiro tohutaka hei taunakitanga.

He wāhi kūtai tō te whānau.

He wāhi kato pūhā hoki tō te whānau.

He mahinga kai nō ngā tūpuna.

He maramataka ka whaia. He tai moana e mōhio ana hoki. He wā tiki kūtai.

He ingoa tō ngā wāhi kato pūhā, kohi kūtai hoki.

He kōrero tuku iho, he tikanga ka whaia e tēnei whānau mō ēnei mahinga kai.

He tikanga hei whakarauora i te mahinga kai.

He rāhui ētahi wā.

Ka whakamārama ētahi āhuatanga o ngā tikanga mahinga kai.

He kiriata, he whakaahua, he kōrero tautoko hoki te taunakitanga.

He kōrero tuku iho nō te whānau, nō te iwi hoki.

## Kia eke ki te Kaiaka (K6)

Ka whakamārama i ngā kōrero tuku iho e pā ana ki te tuna (mahinga kai):

- Ka wetewete i ngā hononga i waenga i:
  - » ngā kōrero tuku iho e pā ana ki te tuna (mahinga kai),
  - » ngā huarahi e hāpai ai te tuna i te mana o te iwi.

### Ngā kōrero pitopito:

#### Ngā kōrero tuku iho e pā ana ki te tuna:

- Whakapapa,
- Maramataka - te marama hii tuna, rama tuna, wero tuna,
- Whakataukī,
- Kōrero pūrākau,
- Kōrero ā whānau - mahi hīnaki, whare paoa, tunu tuna,
- Ngā mahi hei hii, wero, rama tuna,
- Ngā kōrero tuku iho (he mea anō),
- Ko ngā kōrero ā-iwi mai i roto i ngā mōteatea, haka, oriori, pūrākau, pepeha, karakia, whakairo, tukutuku, whakapapa me ētahi atu hanga whakamaumahara.

#### Puna tautoko

- <https://www.doc.govt.nz/nature/native-animals/freshwater-fish/eels/tuna-a-tatou-taonga/>
- <https://teara.govt.nz/en/te-hopu-tuna-eeling/page-1>
- <https://www.youtube.com/watch?v=JDIdIY5XZ88>

He tino kai te tuna ki te whānau o tēnei ākonga.

He hīnaki kei te kāinga.

Ka hī tuna tata ki tō te ākonga kāinga.

He tikanga ka whaia.

Kua kōrero mai mō te mahi ā te tupuna matua me te mahi whakarite tuna hei kai.

He whakaahua o te wāhi hī tuna, o te hīnaki. Kua whakaingoatia ngā wāhanga o te hīnaki.

Kua kōrero hoki mō te wā hī tuna, te maramataka māori.

Kua kōrero mō te tuna hei kai i ngā hui ā whānau, hui ā-iwi hoki.

Kua kōrero mō te tuna hei kai mā ngā manuwhiri.

E whakarite ana te ākonga i tētahi pou hei tohu i te wāhi hī tuna me te teitei o te wai i ngā wā waipuke, ngā wā rere noa i te manga me te awa.

## Kia eke ki te Paetae (P4)

Ka torotoro i ngā kōrero tuku iho e pā ana ki tētahi kaupapa taiao ā-iwi:

- Ka rapu mōhiotanga, ka kimi māramatanga mai i ngā kōrero tuku iho e pā ana ki:
  - » tētahi kaupapa taiao ā-iwi,
  - » ngā huarahi e hāpai ai te kaupapa taiao i te mana o te iwi.

### **Ngā kōrero pitopito:**

Kua whakaatu mai ētahi kōrero tuku iho e hāngai ana ki te tuna me te mahi ā te iwi e pā ana ki te tuna.

Kua tautohu ngā hui o te iwi.

Kua tautohu te awa o Waikato hei wāhi whakarite hīnaki hopu tuna.

Kua hopukina whakaahua.

Kua whakauruhia mai ngā kōrero pepeha mō te awa o Waikato me te rohe o te tuna.